



PRESIDÊNCIA DA REPÚBLICA

Servisu Komunikaun Sosiál

BOLETÍN INFORMATIVU Marsu 2024

[Prezidente Ramos-Horta Vizita Zona Ekonómika Espesiál Iha Laos](#)

Vientiane, Laos - 1 Marsu 2024, Prezidente J. Ramos-Horta, vizita Repúblika Demokrátika Povu Laos nu'udar parte ida husi vizita estadu lora tolu nian ho objetivu atu promove kooperasaun entre nasaun rua ne'e. Iha Sesta, lora 1 fulan-marsu, Prezidente Ramos-Horta hala'o diskursu iha Universidade Nasionál Laos iha Vientiane, hodi introdus Timor-Leste no koalía kona-ba oportunidade ba parseria entre Timor-Leste no Laos iha futuru.

[Xefe Estadu Ramos-Horta Husu Governu No PN Hadi'a Lei Rai Ho Lei Investimentu](#)

Vientiane Laos, 01 Marsu 2024, Prezidente Repúblika husu governu ho Parlamentu Nasionál hadi'a Lei rai no Lei investimentu. Pedidu ne'e Xefe Estadu hato'o hafoin hala'o vizita Estadu ba Repúblika Popular Laos. Ramos-Horta hateten, Governu presiza hadi'a Lei rai no Lei investimentu seguransa no garante ba investimentu sira tuir regras internasionál hodi dada investór ba Timor-Leste.

[Laos Apoiu Timor-Leste Nia Adezaun Ba ASEAN](#)

Vientiane-Laos, 1 Marsu 2024, Prezidente Repúblika Populár Laos, apoiu totál Timor-Leste nia adezaun ba ASEAN iha tinan 2025. Xefe Estadu informa vizita Estadu ba Repúblika Populár Laos ne'e atu halo negosiasaun ba Timor Leste nia adezaun ba ASEAN. Ramos-Horta haktuir, tinan ne'e Repúblika Populár Laos mak lidera presidente ASEAN, tanba ne'e Timor-Leste presiza halo promosaun maka'as hodi manan konfiansa husi nasaun membru sira.

[Prezidente Ramos-Horta Fó Onra Ba Veteranu Sira Iha Selebrasaun Lora Nasionál Veteranu](#)

Dili, 3 Marsu 2024, Iha selebrasaun Lora Nasionál Veteranus, Prezidente J. Ramos-Horta liu husi nia diskursu ne'ebé hato'o husi Prezidente Tribunal Rekursu, Deolindo dos Santos fó omenajen ba veteranu no martir sira ne'ebé luta ba independénsia Timor-Leste nian.

Diskursu kompletu Prezidente bele hare iha website ofisiál Prezidénsia nia iha link tuir mai: <https://presidenciarepublica.tl/prspeechveteransday/>

[Prezidénsia Lori Nutrisaun Ba Labarik Sira Ne'ebé Laiha Priviléjiu Iha Comoro](#)

Dili, 4 Marsu 2024, Prezidente nian inisiativa 'Dapur ba Povu' atinje pasu ida tan hodi lansa ninia programa iha Labeh Kindergarten no Eskola Primária iha Comoro. Programa estensaun ida-ne'e sei fornese hahán ne'ebé gratuita no nutritivu ba labarik hamutuk 112 husi familia ne'ebé ladun hetan riviléjiu.

[Prezidente Ramos-Horta Apoiu Materiál Ba Eskola Kamalai](#)

Ainaro, 05 Marsu 2024, Prezidente Repúblika, J. Ramos-Horta, Tersa ne'e, fó apoiu materiál konstrusaun no mobiliáriu eskolár ba eskola ensinu báziku paralelu Kamalai, iha aldeia Urahou, Postu-Administrativu Maubisse, Munisípiu Ainaro.

[Prezidente Ramos-Horta Simu Kredensiál Husi Embaixadór Foun Tailândia](#)

Palásiu Prezidensiál Nicolau Lobato, 06 Marsu 2024, Prezidente no Laureadu Nobel ba Pás, J. Ramos-Horta simu kredensiál diplomátika husi Sua Eselénsia Atipat Rojanapaibulya nu'udar Embaixadór foun Estraordináriu no Plenipotensiáriu Reinu Tailândia nian ba Repúblika Demokrátika Timor-Leste iha serimónia ofisiál ida-ne'ebé hala'o iha Palásiu Prezidensiál Nicolau Lobato.

[Prezidente Ramos-Horta Foka Kona-Ba Feto Sira Iha Diplomasia Iha Selebrasaun Loron Internasionál Ba Feto](#)

Palásiu Prezidensiál Nicolau Lobato, 8 Marsu 2024, Iha selebrasaun Loron Internasionál ba Feto, Prezidente J. Ramos-Horta organiza edisaun espesiál ida husi nia programa televizaun "Prezidente Horta Show" iha RTTL,EP ne'ebé foka ba maluk Feto sira ne'ebé servisu iha área diplomátika.

Haree entrevista kompletu iha link tuir mai: <https://presidenciarepublica.tl/presidenthortashow/>

[Prezidente J. Ramos-Horta Hasoru Malu Ho Embaixadór Fransa Hodi Hametin Ligasaun](#)

Palásiu Prezidensiál Nicolau Lobato, 11 Marsu 2024, Prezidente J. Ramos-Horta hasoru malu ho Embaixadór Fransa iha Indonézia no Timor-Leste Fabien Penone iha Palásiu Prezidensiál Nicolau Lobato iha Dili. Ida ne'e mak Embaixadór Penone nia vizita daruak ba kapitál dezde asume nia postu diplomátiku. Lider na'in rua ne'e diskute kona-ba oportunidade atu hametin liután kooperasaun entre Timor-Leste no Fransa iha área oin-oin, hodi harii relasaun bilaterál di'ak entre nasaun rua ne'e.

[Prezidente Ramos-Horta Hasoru Malu Ho Ofisiál Estadus Unidus Atu Hametin Relasaun no Diskute Asuntu Rejionál no Globál Sira](#)

Palásiu Prezidensiál Nicolau Lobato, 11 Marsu 2024, Prezidente J. Ramos-Horta ohin hala'o sorumutu ho Vise-Asistente Estadus Unidus nian, Sekretária Estadu Asuntu Ázia no Pasífiku, Melissa Brown, iha Palásiu Prezidensiál Nicolau Lobato, Dili. Diskusaun sira-ne'e foka liu ba harii relasaun ida-ne'ebé forte liu entre Timor-Leste no Estadus Unidus, hodi harii kooperasaun nasaun rua ne'ebé eziste no esplora área foun sira ba kolaborasaun iha futuru.

[Timor-Leste Fó Benvindu Ró Funu Frigate Husi Navál Fransa Hanesan Sinál Ligasaun Ne'ebé Forte](#)

Dili, 11 Marsu 2024, Prezidente J. Ramos-Horta simu ho laran-haksolok ró funu "Vendemiaire Naval Fransa nian" ba portu Dili, hodi haree vizita ne'e nu'udar símbolu kle'an ida hodi hametin amizade fraterna entre Timor-Leste no Fransa.

[Prezidente Ramos-Horta Fó Kmaan Ba Komunidade Sira Ne'ebé Afetadu Husi Inundasaun](#)

Oecusse, 12 Marsu 2024, Inundasaun maka'as fó impaktu ba suku balun iha sub-regiaun Pante Makasar, Suku Bobokase, Bihala no Nuslao iha Rejiaun Administrativa Espesiál Oecusse-Ambeno (RAEOA) sai hanesan fatin ida-ne'ebé afetadu liu.

[Xefe Estadu J. Ramos-Horta Hasoru Malu Ho Sekretáriu Ezekutivu CPLP](#)

Palásiu Prezidensiál Nicolau Lobato, 13 Marsu 2024, Prezidente Repúblika, J. Ramos-Horta, hasoru malu ho Sekretáriu Ezekutivu ba Comunidade dos Países de Língua Portuguesa (CPLP), Zacarias Albano da Costa ho delegasaun sira. Sorumutuk ne'e, Sekretáriu Ezekutivu CPLP, relata ba Xefe Estadu Timor-Leste kona-bá servisu sira ne'ebé hala'o durante ne'e liu-liu iha área kooperasaun bilaterál sira iha CPLP.

[Prezidente Ramos-Horta Fó Pose Ba Embaxadór Foun Ba Cuba No CPLP](#)

Palásiu Prezidensiál Nicolau Lobato, 13 Marsu 2024, Prezidente no Laureadu Nobel ba Pás, J. Ramos-Horta, prezide serimónia pose ba Embaixadór foun na'in rua ba Cuba no CPLP (Comunidade dos países de Língua Portuguesa), iha Palásiu Prezidensiál Nicolau Lobato.

[Prezidente Ramos-Horta Partisipa Iha Selebrasaun Papa Francisco Nia Aniversáriu Ba Da-11](#)

Dili, 15 Marsu 2024, Prezidente J. Ramos-Horta hato'o diskursu esepiál ida iha loron 15 fulan-marsu hodi komemora aniversáriu ba da-11 husi Santu Padre Papa Francisco. Serimónia ne'e hala'o iha Nunsiatu Apostólíka Dili.

Lee testu kompletu husi diskursu Prezidente Ramos-Horta nian:

<https://presidenciarepublica.tl/phortaspechnunciatura/>

[Prezidente Repúblika Apoiu Nesesidade Bázika Ba Komunidade Kribas, Soibada, Laklubar](#)

Manatutu, 18-19 Marsu 2024, Prezidente J. Ramos-Horta halo vizita ba komunidade sira iha postu administrativu Manatutu Villa, suku Kribas, postu administrativu Laklubar no Soibada, hodi fó direktamente apoiu no rona komunidade nia preokupasaun.

[Prezidente Ramos-Horta Lansa Programa Avansa San Husi USAID](#)

Dili, 20 Marsu 2024, Prezidente Repúblika, J. Ramos-Horta lanso programa kona-bá projetu Avansa Sistema Ai-Han no Nutrisaun (Avansa SAN) iha Timor-Leste hamutuk ho Governante Assuntu Agrikultura, Eng. Marcos da Cruz, Enkarregadu Negósiu EUA, Marc Weinstock no bainaka seluk, iha Timor-Plaza.

[Prezidente Ramos-Horta Husu Asaun Unidade Hodi Hasoru Mudansa Klimátika](#)

Dili, Timor-Leste, 20 Marsu 2024, Iha palestra ida-ne'ebé forte iha Seri Lisaun Prezidensiál 2024 nian, Prezidente J. Ramos-Horta husu urjente ba kooperasaun globál hodi kombate impaktu la-di'ak husi mudansa klimátika ne'ebé Timor-Leste no nasaun ki'ik sira seluk hasoru.

[Prezidente Ramos-Horta Hala'o Sorumutuk Ho Icrh Hodi Ko'alia Kona-Ba Asuntu Umanitáriu Globál](#)

Palásiu Prezidensiál Nicolau Lobato, 22 Marsu 2024, Prezidente J. Ramos-Horta simu Xefe delegasaun rejionál Komisaun Internasionál Umanitáriu Refujiadu (ICRH) ba Indonézia no Timor-Leste, Vicente Ochilet, iha Palásiu Prezidensiál, ohin. Sorumutu ne'e ko'alia kona-ba asuntu globál balun ne'ebé maka ICRH dadaun ne'e fó asisténsia umanitária, inklui konfliktu sira iha Myanmar, Gaza no Ukraina.

[Prezidente Ramos-Horta Fó Onra Ba Xefe Misaun Iom Ho Medalla Méritu](#)

Palásiu Prezidensiál Nicolau Lobato, 25 Marsu 2024, Prezidente Repúblika J. Ramos-Horta fó Medalla Méritu nian ne'ebé prestijiozu ba Xefe Misaun Organizasaun Internasionál ba Migrasaun (OIM) iha Timor-Leste, Aishath Ihma Shareef, ohin iha Palásiu Prezidensiál Nicolau Lobato, Dili.

[Prezidente Kontinua Fó Apoiu ba Komunidade Sira Iha Aileu, Turiscai no Maubisse](#)

Aileu, Turiscai, Maubisse, 25-26 Marsu 2024, Prezidénsia Repúblika, fó apoiu importante ba família sira ne'ebé prezisa iha Aileu, Turiscai no Maubisse. Liu husi Servisu Sosiedade Sivil no Asuntu Sosiál sira, apoiu nesesidade báziku sira inklui foos, masin, mina te'in, manta, terpal no seluk tan entrega ba asrama eskola ida iha Aileu, uma-kain 8 iha Turiscai no uma-kain 7 iha Maubisse.

[Prezidente Ramos-Horta Haree PNTL Nia Reziliénsia no Profisionalizmu Iha Aniversáriu PNTL ba Dala-24](#)

Dili, 27 Marsu 2024, Prezidente J. Ramos-Horta hato'o diskursu iha selebrasaun aniversáriu Polísia Nasionál Timor-Leste (PNTL) iha loron 27 fulan-marsu tinan 2024. Eventu ne'e ho Tema "Profesionalizmu no Reziliénsia", refleta katak forsa sira-nia prestasaun no haree ba dezafiu sira iha futuru.

Diskursu Kompletu Bele Haree Iha Website Preizidénsia Repúblika-nian:

<https://presidenciarepublica.tl/pr-speech-for-pntl-aniv/>

[Prezidente Ramos-Horta Hasoru Malu Ho Ekipa Polísia Federal Australia Nian](#)

Palásiu Prezidensiál Nicolau Lobato, 27 Marsu 2024, Prezidente J. Ramos-Horta hala'o sorumutuk iha loron Kuarta ho delegasaun husi Polisia Federal Australia (AFP) iha Palásiu Prezidensiál Nicolau Lobato. Sorumutu ne'e sai parte ida husi vizita ekipa AFP nian ba Timor-Leste hodi selebra aniversáriu Polisia Nasionál Timor-Leste (PNTL). Durante sorumutu ne'e, Xefe Estadu no AFP diskute kona-ba oportunidade atu hametin liután relasaun bilaterál entre Austrália no Timor-Leste. Ida ne'e inklui programa apoiu ba tempu naruk ne'ebé hala'o husi Programa Dezenvolvimentu Polisia Timor-Leste (TLPDP), ne'ebé finansia husi AFP.

[Prezidente Repúblika Kontinua Hala'o Asaun Karidade Iha Suku Taiboko RAEOA](#)

RAEOA, 28 Marsu 2024, Prezidente Repúblika J. Ramos-Horta, hamutuk ho Chefe Casa Civil, no Asesor Servisu Sociedade Sivil akompaña husi Prezidente Autoridade RAEOA, ho Kordenador Ezekutivu ZEEDOA, faha nesesidade báziku hanesan, foos, mina sona, manutolun, material desportu, inklui roupa protesaun ba peskizadór sira, iha aldeia Makelab, suku Taiboko, postu administrativu pante Makassar, Rejiaun administrativa esepisial Oe-cusse Ambeno (RAEOA).

[Prezidente Ramos-Horta Partisipa Iha Prosesaun Sagrada Iha Oe-Cusse Ba Semana Santa](#)

Oe-Cusse, 29 Marsu 2024, Prezidente J. Ramos-Horta ohin partisipa iha prosesaun via-sakra hodi Selebra Semana Santa iha rejiaun Espesial Oe-Cusse, Ambeno. Prosesaun ne'e hahu husi tuku 09:00 dader to'o meiodia. Xefe Estadu akompaña via-sakra hamutuk ho ekipa Prezidénsia Repúblika, líder relijiozu sira inklui Kardeal Dom Virgílio do Carmo da Silva, SDB ho autoridade sira no mós parokianu sira husi Oe-Cusse Ambeno, hodi halo prosesaun husi estasaun 1 to'o estasaun 14.

REMATA
